

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Na osnovu čl. 25. i 74. Statuta Općine Centar Sarajevo – prečišćen tekst (Službene novine Kantona Sarajevo", broj 23/04) i člana 7. Pravilnika o realizaciji programa poticaja za unaprjeđenje poduzetništva iz sredstava Budžeta Općine Centar Sarajevo, broj: 11/B-11-3229/23 od 04.05.2023. godine, Općinski načelnik
o b j a v l j u j e

JAVNI POZIV

za realizaciju programa poticaja za unaprjeđenje poduzetništva iz sredstava Budžeta Općine Centar Sarajevo za 2023. godinu

I PREDMET JAVNOG POZIVA

Općina Centar Sarajevo ovim Javnim pozivom pruža mogućnost poticaja za unaprjeđenje poduzetništva na području Općine Centar Sarajevo, kroz stručnu podršku (trening i mentorstvo) i sufinansiranje troškova pokretanja i razvoja vlastitog biznisa.

Aplikanti će kroz ovaj Javni poziv i stručnu podršku u izradi biznis plana biti u mogućnosti jačati svoje poduzetničke vještine. Najbolje ocijenjeni poslovni prijedlozi će biti finansijski i mentorski podržani u prvoj godini poslovanja.

Visina finansijskih sredstava po uspješno ocijenjenom poslovnom planu iznosi 10.000,00 KM. Ukupan iznos, po uspješno ocijenjenom poslovnom planu, predlaže Komisija na osnovu ocjene opravdanosti troškova poslovnog plana, a utvrđuje se konačnom Odlukom o dodjeli bespovratnih sredstava koju donosi Općinski načelnik.

II PRAVO UČEŠĆA

Korisnici sredstava su slijedeće kategorije stanovništva sa prebivalištem na području Općine Centar Sarajevo:

- a) **LOT(1)** Žene 35+
- b) **LOT(2)** Dugoročno nezaposleni (Osobe koje su u kontinuitetu evidentirane kao nezaposleni u evidencijama JU „Službe za zapošljavanje Kantona Sarajevo“ u periodu dužem od 12 mjeseci do dana objavljivanja Javnog poziva)

Aplikanti sa pravom učešća, moraju ispunjavati sljedeće uslove:

- Da se nalaze na evidenciji nezaposlenih JU „Služba za zapošljavanje Kantona Sarajevo“;
- Da imaju prebivalište na području Općine Centar Sarajevo;
- Da planiraju registrovati i razvijati svoj biznis na području Općine Centar Sarajevo;
- Aplikanti koji ispunjavaju uslove i za LOT1 i LOT2, moraju naznačiti i opredijeliti se za koji od dva navedena LOT-a se prijavljuju.

Aplikanti bez prava učešća:

- Lica koja su osuđena ili bila osuđivana za krivična djela po bilo kom osnovu od strane nadležnih organa BiH;
- Lica protiv kojih se vodi krivični postupak ili protiv kojih se vode istražne radnje nadležnih sudskih i istražnih organa BiH;
- Lica koja nisu državljani BiH;
- Lica koja su u posljednje 3 godine bila korisnici istih ili sličnih programa poticaja Općine Centar Sarajevo.

III KRITERIJ ZA OCJENU PRIJAVE I IZBOR KORISNIKA

Komisija će prioritetno uzeti u obzir biznis ideje iz visoko profitnih industrija (ICT, kreativne industrije, green bussines i dr.), biznis ideje koje predviđaju, pored vlastitog, zaposlenje dodatnih osoba, biznis ideje koje predviđaju stvaranje novih vrijednosti (prerada/izrada sirovina, roba i dr.), kao i druge biznis ideje koje su zasnovane i imaju uporište u istraživanju potreba i tržišnih prilika koje provodi Općina ili druga relevantna organizacija.

Status kandidata za finansiranje stiće se:

- Podnošenjem potpune i tehnički ispravne prijave u skladu sa pravilima Javnog poziva;
- Aktivnim učešćem u programu stručne podrške u izradi poslovnih planova, što podrazumijeva učešće na obuci (uz eventualno odsustvo kraće od 10% od dužine trajanja obuke) i pravovremenu izradu zadataka za samostalni rad (elementa poslovnog plana);
- Podnošenjem kompletnog poslovnog plana u predviđenom roku za evaluaciju od strane Komisije;
- Usmenom odbranom poslovnog plana pred Komisijom.

Status uspješnog kandidata, čiji je poslovni plan prihvaćen za finansiranje stiće se:

- Pozitivnom ocjenom poslovnog poduhvata (sa ukupnom ocjenom iznad 60 bodova);
- Dostavljanjem dodatne dokumentacije, koja bude tražena od Komisije;
- Prihvatanjem odredbi Ugovora o dodjeli bespovratnih sredstava, odnosno svih obaveza koje kandidat preuzima potpisom istog.

U slučaju da je broj pozitivno ocijenjenih poslovnih planova veći od iznosa dostupnih sredstava, Odluka o finansiranju se donosi počevši od najbolje ocijenjenog poslovnog prijedloga prema slabije ocijenjenim, do utroška raspoloživih sredstava.

IV POTREBNA DOKUMENTACIJA

Prijava na Javni poziv mora da sadrži sljedeće dokumente:

- a) Jasno i čitko popunjen formular za prijavu na Javni poziv;
- b) Uvjerenje o kretanju na području Općine Centar Sarajevo u trenutku objave Javnog poziva (***Uvjerenje o kretanju, izdato od strane MUP-a KS, original ili ovjerena kopija ne starija od 30 dana***);
- c) Potvrdu nadležnog biroa za zapošljavanje da se prijavitelj nalazi na evidenciji nezaposlenih lica (originalni dokument);
- d) Kopiju lične karte (ovjerena kopija ne starija od 30 dana);
- e) Ovjerenu Izjavu da će svoju poslovnu ideju registrirati i razvijati na području Općine Centar Sarajevo.

Prijava mora biti potpuna i uz istu mora biti dostavljena kompletna dokumentacija tražena Javnim pozivom.

Formular za prijavu na Javni poziv možete preuzeti na sljedećem linku:
<https://www.centar.ba/javni-pozivi-i-konkursi>

V NAČIN I ROK PODNOŠENJA PRIJAVE

Zahtjevi/prijave se podnose u zatvorenoj koverti, direktno na protokol Općine Centar Sarajevo ili preporučeno putem pošte na adresu:

<p style="text-align: center;">Općina Centar Sarajevo Služba za lokalno-ekonomski razvoj i mjesnu samoupravu Mis Irbina 1 71000 Sarajevo <u>„Javni poziv za realizaciju programa poticaja za unaprijeđenje poduzetništva iz sredstava Budžeta Općine Centar Sarajevo za 2023. godinu“</u> <u>(LOT1 ili LOT2)</u> „NE OTVARAJ“</p>

Javni poziv ostaje otvoren od dana objave do 29.05.2023. godine.

Nepotpune i neblagovremene prijave neće biti uzete u razmatranje.

V OSTALE ODREDBE

U postupku Javnog poziva, Općina Centar Sarajevo ne snosi nikakve troškove učesnika istog. Općina Centar Sarajevo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja.

Prispjela dokumentacija se ne vraća podnosiocu.

Sve dodatne informacije vezane za Javni poziv mogu se dobiti svakim radnim danom putem telefona: 033/562-389 i 033/223-269.

OPŠTINSKI NAČELNIK

Srđan MANDIĆ